

孝門傳記補録


十四

和書門			
類	號	函	架
	一七八九一		一〇

內閣文庫	
和書	一七八九一號
一〇冊	一五架



內閣文庫	
番號	和 17891
冊數	10 (7)
函號	192 312



寺門傳記補錄第十三
長吏卷上

寺門傳記補錄卷十三
身文


寺門傳記補錄卷十三



大師

長吏高僧略傳卷上目錄

僧傳部丁



和學講談所



良勇

明仙 勢祐 敬一 運昭



行譽 禪藝 餘慶 勝筭

觀脩

務筭 明肇 文慶 教靜

心譽

明尊 永圓 覺圓 隆明

增譽

行尊 覺猷 覺宗 行慶

道惠

以上三十一人

...

...

...

...

...

...

長吏高僧略傳

智證大師

貞觀元年補職治寺三十三
年第五座主治山二十四年


內供奉惟首

惟首俗姓御船氏近江國蒲生郡人僧正遍昭入室

弟子良勇和尚之師大師門人也号法興房又稱曰

虚空藏和尚至內供奉阿闍梨元慶八年依遍昭之奏

與安然和尚共補元慶寺初阿闍梨寬平三年十月



大師入掖於是和尚補長吏時內供治司四年五月

二十一日任座主治以宣命補職和尚為始為五年

二月二十五日入寂年六十八治

補曰和尚補元慶寺初阿闍梨者三代實錄四十

曰元慶八年九月十七日敕元慶寺置傳法阿闍

梨傳燈大法師位惟首傳燈大法師位安然教授

真言業年分度者先是權僧正法印大和尚位遍

昭奏言依太政官去元慶元年十二月九日下牒

毘盧遮那金剛頂摩訶止觀等業各一人每年十

二月十六日試度之人以顯教宗者不簡授業之

師至真言教若未灌頂者不能讀一句除非阿闍

梨不聽輒傳授所謂毘盧遮那金剛頂等經尤是

真言之秘藏密教之本根也不置傳教阿闍梨誰

能傳此教僧惟首安然等智行無資精進無倦堅

持利物之誓漸積傳燈之功年來就通昭之邊京

學胎藏金剛兩部大法既訖今度膺是高器堪為

師範望請准延曆寺例授傳法阿闍梨位阿闍梨
教演秘教試練學徒從之山門記曰座主略傳
云中堂瑠璃壇北方御帳內藥師尊像長五尺五
寸金色座主惟首和尚自作安置瑠璃壇貞觀元
年遂供奉導師僧正通昭
供奉猷憲定心院持念堂第三世
猷憲下野國塩屋郡人大師入室德圓和尚弟子至
於山王院禮

大師受阿闍梨位灌頂時年七十一臘四十一五年
二月補長吏治時供奉日三月二十五日任座主
治六年二月二十一日以大法職位授於增欽慈鏡
二人受後今茲八月二十二日入滅年七十四
權律師法橋康濟蓮華店三昧院第四世
康濟姓紀氏越前國敦賀郡人光定入室大師門人
補定心院十四禪師号三昧和尚寬平三年五月二
十二日拜大師受阿闍梨位灌頂與猷憲同夜同處

一紙解文時年六十四臘四十四今年十二月二日
教授法橋上人位證徒法橋是為始焉六年秋八月
補長吏治五同九月十五日任座主治五七年十月賜
供奉九年五月八日任權律師證徒此任亦是初例
同十月十月授三部職位於增命和尚受後七年今歲勤
維摩會講師昌泰二年二月八日示寂年七十三
法務僧正增命莫如房後改院第五世
增命左大史桑野安峯之子京兆入大師入室西塔

院主延最宗子也年十三獲深十六受具于東大寺
仁和元年大師傳付三部大法時年二十七師入寂
後住持于本院于光院為定心院十禪師寬平九年
十月十日從座主康濟律師入壇灌頂于總持院時
年五十七臘四十昌泰二年補長吏治二延喜五年
四月十四日宇多法皇幸于光院從命受菩薩大
戒翌十五日傳胎金兩部大法十月十八日教授
供奉任座主治十十年三月二十五日舉為法橋

九月二十五日法皇幸于光院二十七日於總持
院座主爲師受三部灌頂職位明日醍醐天皇差
遣敕使于山上授法眼和尚位於座主ミテツカラ法皇手親
授其位記并賜鍮石香爐菩提子念珠唐劍袈裟及
御衣等十五年補少僧都十六年任大僧都台僧此
任是爲始焉十九年七月五日天皇屈請座主受
法華并金剛般若般若心經等勸賞賜度者十人其
後亦延座主于勸修寺傳授如意輪儀軌二十二年

重補長吏治延長元年六月三十日敕任僧正時

年八十一證徒僧正初例也三年八月九日賜法務

白宗法務自是而始五年十一月十一日化年八十

五月十二月二十七日賜諡靜觀叢祖追諡同日

宣下

補曰官班記濫觴篇曰大僧都增命延曆寺座主
益号靜觀智證弟子延喜十六年四月五日任大
僧都于時座主初例抄上曰北京僧權法務始

僧正增命延長元年五月二十日補之法務補任

與今傳違
未如何是

寬平法皇御灌頂事或記曰廣座主記云延喜

十年法皇宇多幸命房受五瓶灌頂當帝聞之遣

敕使授法服和尚位同十九年七月帝請命受學

法華并金剛般若般若心經點經藏人掃部頭源

公忠少內記藤原在衛也後聞一乘深義時亦賜

御衣又差遣藤原兼輔朝臣賜度者十人法服一

襲從僧納升足綿百屯

增命推化事太神記下曰延喜七年寬平更衣

藤原保子出家入理於檀林寺書寫大般若經全

部筆功已訖其夜更衣夢書寫經文謬誤甚多讀

誦難調夢心尤恨覺後慮改書之翌夜亦夢雙環

童子二人來告言汝漸寫經文句復書之增命和

尚施無畏化身請之可令誦唱經文經題不及復

書我是三升新羅太神侍者也言已而去更衣乃

如告而止

續後撰集第十遺僧正遍昭之許ハ僧正靜觀

年遠トシ經天痛久イッ奈愛ナ曾山ヤ乃花ハナ菩提ホトケ乃種爾

請奈良奴物由邊

內供奉良勇

摩丘房

第六世

良勇濃州安八郡人ハ吳都ハ常永子也大師入室惟首

供奉弟子歷定心院十四禪師至ハ內供阿闍梨負觀

十五年禮大師受菩薩大戒至元慶七年傳受兩部

大法延喜四年拜靜觀僧正受三部大法職位時年

四十九臘三十一日ハ二十一年補長吏ハ翌年八月

五月任座主ハ治ハ呼為各座主山王院經藏勾當大師

常隨給仕弟子也大師手度弟子五百五百慈愍獨

在於勇身又師西唐決義五十四件唯為勇而撰意

校決集上下二ハ延喜初善氏撰大師傳時勇委憶師

在也始終事又則引勸師手中遺文兼又與入室諸

大法師衆口討論而以州之其後付善學士實錄焉

師有勇也如佛者阿難也延長元年三月六日入滅
年六十有九

補曰延喜二十一年補長吏者長吏次第託第五

增命長吏之次列良勇為第六長吏即註曰延喜

二十一年任号谷座主治一年然又高僧記及灌

頂脉譜等以勇不列長吏案高僧記一第曰在天台

座主相兼寺門長吏者如靜觀僧正智辨權僧正

天也在寺門長吏不在天台座主者如智靜大僧正

勝算僧正也在天台座主不在寺門長吏者則如

良勇阿闍梨源泉權僧正也在於高僧不在兩貫

首者如行觀僧正增智僧正也如是四句分別以

釋良勇和尚非職之旨也又見脉譜良勇之下無

在職之抄汰已上一託與次第託相違未知何是

也今傳且依次第託以勇和尚列增命長吏之次

即為第六長吏耳今案脉譜增欵之下註曰補長吏

然則良勇若非職者以增欵可易之歟

權律師明仙後明仙第七世

明仙增欽阿闍梨弟子智辨權僧正之師也補長史

至權律師天慶六年為維摩會講師

補曰長史次第記第六良勇長史之次記為增命

僧正還任四年次列明達權僧正為第七長史然

後人添書曰異本明仙今案次第記恐是轉寫誤

誤歟諸記中未見明達在職又未聞為權僧正知

是後人誤寫明仙權律師為明達權僧正者歟後人

阿既考異本曰明仙又高僧記明仙傳曰補長史仍

執今從此等說除明達加明仙為第七長史而已又

長依前後長史補任次第勘定仙長史任治者延長

四年任治一年歟

權律師勢祐承德第六世

勢祐姓清洲氏左京人靜觀僧正弟子智靜大僧正

之師也延長五年補長史治廿四年天曆元年為維摩會

講師終權律師

補曰長吏次第記曰延長五年補長吏治卅四年
高僧記祐傳曰延長五年補長吏治卅三年卅卅
及四三兩記相違是亦後人筆誤歟今案次第記
自延長五年勢祐補職至應和元年房某任職計
年數都是卅四年也後人誤寫以卅為卅歟又若
祐治定為卅四年者則有十年空職然則高僧記
曰卅三年近是今傳且據次第記為治卅四年耳
尚至運昭之下言之

阿闍梨敬披雲房

敬一大師弟子又學谷和尚補定心院十四禪師任
長吏兼平二年十月二十一日從京意阿闍梨入壇
灌頂于山王院年六十五臘四十四受後三年以法
傳於運昭供奉天曆三年十月二十一日卒年八十

有二百光房

供奉運昭長松房

運昭鴻譽供奉入室弟子智興子觀勝算務算四傑

之師也天慶二年受三部職位於敬一阿闍梨年五
十五臘三十六受後八年以法付行譽律師補長吏
終供阿闍梨

補曰灌頂祿譜敬一運昭之下並註曰補長吏而
長吏次第記不列一昭二僧勢祐之次列房筭以
房爲第九長吏未審後人脫寫二僧歟異本次第記
似載之何者或記曰長吏次第記云明尊僧正者
阿從智證大師第二十二世長吏也云云今致之考

若依流布次第記除一昭二僧則大師下至明尊
計爲二十世既闕二世又列二僧則明尊長吏正
當第二十二世能合異本次第記仍今准據祿譜
並異本次第記加列一昭二長吏耳且又以一昭
在勢祐之次者二僧年簡座次大槩在祐之前後
又案次第記曰延長五年勢祐補職治卅四年次
應和元年房筭任職云云是則自延長五至應和
元都計年數爲卅四年也祐治若卅四年者則有

十年空職又卅四年者殆年甚長如前補錄中述
然則空職亦不一兩年年次已長疑是此間必有
在職之人似一昭二僧在干此處故今雖未檢考
異本次第記以上件義推加列一昭二僧又以為
第九第十長吏而已尚後賢正之詳之
權少僧都房等

房等靜觀僧正弟子大師孫弟也精勤頭密兩業與
運昭禪藝齊名天曆九年撰維摩會講匠應和元年

三月補長吏治原保三年十二月二十六日任權少

僧都同四年歸寂

權律師行譽積善房
平光院

行譽左京人靜觀僧正弟子也天曆三年從運昭供

奉入壇灌頂年六十臘四十一後以大法授於陽雲

智辨智興子觀倫譽五大德康保三年十二月二十

六日任權律師安和元年補長吏治天祿元年四月

七日寂年七十有八

少僧都禪藝

十三世

禪藝空惠阿闍梨，弟子大師孫，亦也。學博頭宗，兼好
 論談，應和三年蒙維摩會講師請，村上天皇御宇
 康保四年延曆寺六月會專寺探題，宣下時，座主
 良源精選探題人藝當於其任台僧，此職藝為始焉。
 天祿元年任長吏治時律師終少僧都。
 補曰釋家官班記下曰延曆寺十一月會六月會
 兩會於立者者南北二宗隨時勤之至其探題者

南都之輩勤之慈惠大師治山之時被宣下探題
 之後為自門人康保四年五月九日禪藝已講探
 題宣下精義自是以前雖有他人無宣下精義
 初探題事十卷書曰禪藝當任高僧記曰房等任
 之寺記中存異說未知何是也但十卷書與官班
 合以之為是歟觀音院
 權僧正餘慶觀音院
 餘慶姓宇佐氏筑前國早良郡人明仙權律師，弟子

也補定心院十禪師並推僧正證徒權官是為始焉
康保四年二月二十二日禮行譽律師灌頂千光
院年五十三臘三十後以大法付於十八大德其中
勝算穆算明肇觀偈世稱證門四王者也天元二年
任權少僧都補長吏治十日三年奏請觀音院為
今上御願寺正月十六日敕置阿闍梨五口其後
又以觀音院內蓮臺房曰為御願所置阿闍梨四口
四年以慶任法性寺座主法性寺者藤原
貞信公草創也慈覺門徒

鬱新拒之朝廷不容檀家不可依之慈覺智證兩

門大駭動日相變干山上於是慶率其徒下山移住

北石藏觀音院兩門不和之初也寬和元年皇太后

昌子朱雀皇女大雲寺建立數字精舍所謂講堂六天

五大堂灌頂堂大法華堂普賢真言堂兩阿彌陀堂已

又皇太后改大雲寺為觀音院從是寺院增為尊大

永祿元年九月二十九日敕慶為天台座主初慶

上如意山見深林中有一堂年齒三十許僧憑玉几

讀誦法華經度問之曰仁者何人也年亦幾乎應曰
我名阿師今保七百歲言已獲誦當安樂行品諸天
童子以為給仕之句羽衣二童忽降一童持供一童
把蓋時僧分膳為二一分自喫一分與度度覺之覺
濃味異香非人間有也其後開話數刻告辭即謂僧
曰我不圖而至此聖境歸去今日奇會欲傳於他何
以為驗座右玉几願與焉僧曰此几我所養勞者也
難許且心中恐客以法力棄去之口唱十羅刹女名

拒之度誓歸不動明王誦咒棄之法力俱不過其几
中斷為兩段一半止僧所一半至度前度携而歸矣
一日度邂逅空也法師于藤相國亭也患左臂度問
所以患也曰我幼年床墜折臂自爾不瘡于今久聞
驗德名乞垂咒治度諾相家皆集見之度閉目持念
暫時執也臂引之屈伸如故亦無痛焉也曰數十年
患窮得公今如忘記而三禮相國以下莫不歎異也
時人曰彌陀之病明王之醫度之脩驗多有若斯者

正曆二年閏二月九日入城年七十有七寬弘四年

二月十五日賜諡智辨是依勝算僧正之奏也

權僧正勝算

脩學院
子光院

勝算姓滋野氏左京人運昭供奉入室弟子雲林院

七禪師脩學院開祖至權僧正号脩學院僧正世以

脩驗稱永延中天皇不豫追日危篤甚劇廢供御

好梅子時維嚴冬天下索而不得馳敕使脩學院

告算庭有梅樹雪夜對樹持念翌朝除雪見之一枝

青梅數千子累之敕使折歸獻宮天皇嘗一兩顆

病立瘥意敕曰古孟宗者雪中為母拔紫笋今勝

算者鉛粉為朕折青梅源信僧都之母安養居士卒

病逼惱甚命危信驚擁母適勝算之房懇求法救算

出而見母與中已氣絕算試加持護念應時母蘇

病亦差焉信不任感喜起而作禮三拜元三年三

月七日從智辨權僧正入壇干觀音院年四十一臘

十九受後以大法授慶林文慶永圓明尊等十三人

同年依智辨之奏補觀音院初阿闍梨五年依兩門
騷動率其門徒移居修學院正曆二年補長吏治時
中僧都今年奏請修學院為當皇御願寺詔置
阿闍梨四口長德二年辭長吏依觀修轉大僧都也
長保四年奉仕震筆御八講證義寬弘五年重補
長吏治時權僧正八年八月二十二日化年七十三
賜諡智觀法苑珠林曰長谷大僧正法苑珠林曰長谷大僧正
法務前大僧正觀修解脫寺

觀修姓志紀氏左京人其母禱佛求子夢星光入懷
而孕自提核不食肉至五歲從母誦不動毘沙門咒
長入勢祐律師之室雍染受戒又嘗走智辨之庭受
顯密兩業遂管法務顯職至大僧正十號長谷大僧正
寬和二年三月二日拜智辨權僧正傳受阿闍梨位
灌頂時年四十二受後以大法授教靜心譽等八人
永延二年補惣持院阿闍梨又經西塔院釋迦堂五
禪師長德二年補長吏治同四年重補治長保二年

八月任大僧正。白宗此任是初例也。四年預震筆
御八講證義。關白藤道長嘗深歸倚。以東三条太后
所建解脫寺北石。永附脩寬弘二年。關白創淨妙寺。
幡木是亦以脩為檢校職。寺永屬其門。葉公為微位時
望在於大位。潛招脩乞持念。脩諾以後。昇進逾時而
盪遂昇於大位。今以兩寺附脩意。酬之也。或時術家
告藤府言某日家中有怪。此日藤公閉門齋居。晡時
有叩者。開門問之。從和對獻瓜使也。時脩在座。大史

安倍晴明大鑿重雅亦預焉。藤公願安氏曰。今家有
齋板不知此瓜可穿。不晴明日瓜中有毒不可輒啖
也。公謂脩曰。數顆瓜子何為毒乎。脩誦咒加持。一瓜
騰躍宛轉出於器外。一座怪見。時重雅袖中出一針
針之瓜動乃止。割見中有毒地針中。其眼蓋術家之
言是也。都鄙傳之。嘆三子之精。其術兵長德中宋國
送新書五部。所謂法華示珠指二卷。龍女成佛義一
卷。千六觀經記二卷。佛國莊嚴論一卷。心印銘一卷。

皆是彼土台徒之述也。帝為謂今彼國送來此書
意在無我台宗也。詔慈覺智證兩徒加破釋返送
知此方不之台學入法華示珠指上實曰破之下脩
預焉寬弘五年七月八日乘化年六十四寬仁三年
十二月十八日賜諡智靜。其後更無此書。其後
補曰高僧記第十曰東三條太后北石藏解脫寺本
願也太后藤氏詮子圓融院后一條院攝政太
政大臣兼家女關白道長妹後号東三條院。

大僧都穆算一乘寺 十七世

穆算左京人運昭供奉入室弟子也智行兼備學究
台密兩宗證門四王一人也。天元三年四月十八日
禮智辨權僧正受阿闍梨位。權原年三十八臘十九
今年依權僧正之奏一乘寺般若院置阿闍梨四口
五年依兩門不和率其門人移住一乘寺。長德四年
十月補長吏治二箇月時大僧都于茲十二月十六日入

寂年六十有五

前權少僧都明肇 百光房 普門寺 十八也

明肇權中納言藤原文範子贈太政大臣長良朝臣

玄孫^{ヤシヒコ}運昭供奉入室北石藏普門寺開祖也天元三

年受三部大法職位於智辨權僧正以後依權僧正

之奏補總持院阿闍梨寬弘八年補長吏^治時權少

僧都長和三年七月二日化年六十有九

法印大僧都文慶 菩提房 大雲寺 十九也

文慶前右兵衛佐藤原佐理之子智辨權僧正入室

弟子大宋國傳法院善惠大師之師也補充大雲寺

最初檢校至法印大僧都号明王院法印正曆二年

十二月拜智觀權僧正受三部大法職位受後以法

傳付悟覺親王善惠大師等八人三条院長和三年

十月二十八日舉為護持僧時少僧都年四十有八

今年補長吏^治寬仁三年還補^治長元二年重任^治

在職都三箇度永承元年七月二日寂年八十有八

終法印大僧都 二十也

推少僧都教靜

耳露寺
松崎

二十世

教靜行譽權律師入室，弟子至權少僧都呼号東寺
僧都長保元年三月二十九日禮智靜大僧正入壇
推頂年五十臘四十受後以大法傳付賀延定喜等
七人寬仁元年補長吏治二年八月二十五日取減
年七十有五年實相房
心譽右衛門佐藤原重輔子右大臣顯忠之孫穆算

大僧都入室也初譽事延曆寺證與舊慈覺之徒也
後歸智證之化為大僧都弟子三部大法受慶祚大
阿闍梨寬弘二年十二月十六日投拜智靜大僧正
入壇推頂干山王院時年三十三以後大法授行圓
子兼源泉長守等十一人治安初關白道長創法成
寺請譽為執印以後連綿智證之徒受之長元元年
補長吏治時權僧正先是任本寺博士二年八月十
六日化年五十有九終權僧正

補曰釋書曰治安二年藤道長落慶法成寺帝率
后妃太子百僚幸寺又曰萬壽三年正月太后上
東門院出家五月心譽封七十戶也長元元年十
二月初四心譽為相國春忌導師帝感唱演即座
授僧正二年八月僧正心譽寂
法務前大僧正明尊 真言房干光院 二十二世
明尊兵庫頭小野舉時子道風之孫篁之曾孫智辨
權僧正入室弟子兼學智靜慶祚賀延等業成管領

法務至大僧正圓滿院開祖号志賀大僧正
天子深賞其德行補八宗總博士此任也今古尊唯
一人而已寬弘五年十二月十四日從智觀權僧正
入壇灌頂干山玉院初受三部印信權僧正灌頂軌
慶祚大阿闍梨受後以大法授蓮昭濟等隆明賴增
禎範靜覺等三十三人就中六人皆是寺門良材也
又依權僧正之奏補總持院阿闍梨長元三年八月
補長吏 治 時大僧都六年十二月為僧正長曆二年

重補長吏治今年任天台座主山徒構傲新拒之時

尊請建菩薩戒壇于三井傳之山徒又坦之不敕裁

送年至永承三年遂為座主座主論戒論本末爭論

長久元年敕置阿闍梨五口于圓滿院是依尊等如干此具在雜記中之

奏也四年五月十七日宮中最勝講始置證義二人

寺門僧正明尊山門法印大僧都慶圓應請永承二

年五月二十五日蒙輦車宣于時年七十七三年

興福寺造立供養請尊為慶導師七年關白藤賴通

於宇治別業造一寺擬準三井平等院即号平等院

又請尊僧正任執印寺永為三井別院今年九月十

九日尊始行新羅社祭禮獻神飯一十口進舞樂備

神輿十一具祭儀尤嚴重也時神託和歌示祭祀惟

納意者歟歌即太神鎮座之時天喜元年七月二十

九日聽牛車時年八十證徒蒙車乘宣是為始意

二年八月十一日長谷寺供養導師五年十一月三

十日崇福寺供養導師賜封七十五戶康平元年十

二月二十五日詔置所關梨五口大安樂院圓滿院

四口興隆院西坂本三口一乘院西坂本三處並依

尊之奏也三年宇治殿下於白河亭舒宴席賀僧正

九十之齡竹杖附和歌一揆見贈之其歌伊勢太輔

大中臣能宣孫代詠源大綱言師房後中書王具平之息作序藏人辨

藤伊房綱言孫書之皆是當時英俊也其序曰三年

之冬孟月下旬開白尊閣忽排白河之花亭設緇素

之宴席蓋賀大僧正法印和尚位九十之筭也和

尚戒定明智行外朗早為一乘之棟梁久經數代

之朝廷過八十之十如來猶以不示超九九之九

歲筭師亦所難量是因無漏無為之功德證不老不

死之妙文者歟遂感希代之鶴齡今命佳會之鸚蓋

其詞云萬也遠作農杖仁曾契鶴久九津賀年君賀

多米仁冬大僧正返前律師慶暹代詠君遠伊農流

年野久成奴禮彼老農坂行扶曾宇禮志幾右歌載後拾遺

賀第七節睿德云智德云君臣廢其風朝野懷其化台家

光榮存乎此入六年六月二十二日寂年九十有三
補曰或記曰長吏次第記云明尊從智證大師第
二十二世長吏也号志賀大僧正八宗總博士又
名真言房敷山座主記云第二十九代座主云云
寺德集曰八宗總博士宣下吾朝唯是一代一條
院御宇以圓滿院大僧正明尊補職前代無其例
十卷書第七曰建保三年十月會長吏明王院僧正
公胤標題表白辭云於貫首之床勤探題之後者

其初圓滿院大僧正八宗總博士九旬之餘闕其
後跡絕一百餘年云云或記曰法成寺豎義時
撰天台博士最勝講證義時補八宗總博士私曰
有三一曰本寺博士三井一門博士也二曰天台
博士山家一宗博士也三曰八宗總博士此任也
今古唯尊一人而已初例抄下曰大僧正明尊永承二年
五月二十日輦車宣下御脩法賞七十七又天喜
元年七月二十九日牛車宣下天皇御藥叅時
行步不叶仍有此賞八十

先德遺教入集明尊僧正歌惣四首

新敕撰第十釋教 大僧正明尊山階寺供養導

正師時說草木成佛由聞之朝遺 大僧都深觀

草木末天佛乃種登聞津禮波

此道奈良年事毛多乃陀志

大僧正返 諸部論著

雜毛皆佛乃種曾行政者此身

奈加良毛奈良九良女屋波

二日集 錫杖之心 大僧正

六乃輪遠波奈禮天三世乃佛仁

波唯此杖爾加加利天曾奈留


續不載第十釋教 見志賀浦波立

志賀乃波虛空無我登波多多彌

登毛聞討者心乃澄渡利氣禮

續後拾遺第十六雜 同前

書調通教僧都之戒牒返遺



家乃風吹絕爾志遠佐佐賀仁乃以

賀左末爾賀破書毛津久邊幾

前大僧正永圓 平等院 元祖 二十三世

永圓兵部卿致平親王第二子 村上皇孫智辨權

僧正入室慶祚大阿闍梨弟子也 父親王天元四年

出家入道諱政悟圓居明玉院後創平等院以在谷

之子永圓為院主号平等院大僧正是也寬弘五年

二月二十六日從智觀權僧正入壇灌頂于金堂時

內供奉年二十九特蒙一身阿闍梨宣寺門此職

始于此焉長元三年任法印大僧都四年補長吏治

今茲十二月二十六日授僧正六年加大長久五年

五月二十二日入寂年六十有五

補曰初例抄上曰法印大僧都始永圓号平等院

大僧正勝算僧正命子長元三年八月廿一日叙

一 五十 東北院供養並法成寺別當賞也法印大僧

都兼任以之為始又曰長元四年十二月廿六日

任僧正五十同日六年轉大僧正長曆辭大寬德元

年五月廿二日入滅六十村上孫王兵部卿致平

親王男母一条左大臣雅信女也八十

法務前大僧正覺圓圓滿院第二二十四世

覺圓字治關白賴通子御堂之孫明尊大僧正入室

弟子也賜一身阿闍梨管法務号宇治大僧正天喜

元年三月九日於唐院受三部大法職位於親師大

僧正年二十二康平六年補長吏治三十五時僧正七年

十月加大十一月九日補平等院執印兼曆元年十

二月十八日天皇行幸法勝寺敕圓為別當四

年七月二十七日依圓之奏置阿闍梨五口于法定

院寬治五年五月六日蒙衆僧一座宣年六十一

寺門此任初例也喜保三年正月二十八日聽牛車

時六十承德二年十月六日乘化年六十有八

補曰初例抄上曰自少僧都叙法印之初例覺圓

天喜三年十二月僧事次叙二十下卷曰法勝寺

供養最曆元年十二月十八日行幸以仁和寺御
室為證誠并檢校以寺覺圓大僧正為別當以山
覺尋權僧正為權別當又曰前大僧正覺圓嘉保
三年正月亦八日除日御脩法恭休仍蒙牛車
宣六十釋書曰康平七年冬十月天皇幸法成寺
僧正覺圓加大堀河院寬治五年五月大僧正覺
圓解印敕曰退位且從之然宮會不言夏曆猶當
居大僧正之上首

前大僧正隆明 圓滿院羅惹院
御室戶寺

隆明權中納言藤隆家之子關白道隆之孫大僧正
明尊弟子也名於脩驗為護持白河堀河二朝在
大僧正中興御室戶寺建立羅惹院仍即名御室戶
僧正又号羅惹院僧正永承六年六月二日拜父師
大僧正灌頂于唐院其後補蓮臺院初阿闍梨延久
二年任權律師兼保元年十二月二十七日白河
天皇補護持僧時權少僧都享五十三年正月十

四日叙法印賞護持勞也永曆四年八月創羅惹院
爲天皇御願寺置阿闍梨三口應德三年十一月
二十一日任權大僧都時六十五是亦賞勞也寬治
元年堀河天皇召爲護持僧時法印權大僧都同
二年白河太上皇御幸高野山敕明爲御導師
初召延曆寺慶朝僧都依野山僧徒之奏改朝召明
三年上皇登御比叡山於山上上皇腰痛俄發
山上驗德振力加持御痛未息彌以甚焉上下驚駭

仙輿下山馳使召明明叅向途中及入御洞宮護念
加持痛惱立息和適如常四年上皇再興羅惹院
置阿闍梨五口如前三口都爲八口永曆二十六年
宣下是去永保元年爲山冠堂宇回祿仍今及于焉
壽五年五月六日任權僧正時年七十二嘉保二年
十一月二十五日聽輦車時七十六是天皇御惱
加持之賞也永長元年叅仕最勝講證義永德二年
四月授僧正補長吏治時七十九今年補嗟城釋迦

堂別當在任之間放刻釋迦佛像安置御室戸山寺

康和元年十一月二十二日於唐院傳授阿闍梨位

灌頂於御室戸宮靜證白河皇子四年五月十三日加大

五年十二月任梵釋寺別當長治元年法皇承長元年

御出腰痛更發復救明加持限以七日脩五大尊

秘法御惱不日而瘉明數度效驗名譽播於朝野獨

輔仁親王不信明之脩驗唯疑有異術而所為或夜

夢異相童子來忿怒跋扈謂親王曰隆明大聖明王

行者世世生生積功行滿可謂不動變身也汝若不

信者明王被罰覺已大恐怖悔謝先非其後歸敬逾

千人矣今茲四月八日聽牛車御惱特念之賞也

日九月十六日取藏年八十有五

補曰釋書曰寬治二年二月二十七日白河上皇

入金剛峯以布帛賜寺衆宣僧都隆明啓白緇素

傾聽六年七月上皇幸金峯救僧正隆明慶讚宸

書金字妙法蓮華經及五部大乘經目施百袈裟

千百沙門嘉保二年八月帝病隆明加愈賞封戶
十一月帝疾又加愈聽輦車帝賜御車賀拜之日
乘之永長元年八月上皇出家十月受沙彌戒于
隆明長治元年夏四月大僧正隆明聽牛車秋元
月隆明寂
法務前大僧正增譽 不光院一乘寺 聖護院開祖 二十六也
增譽權大納言藤經輔子關白道隆曾孫隆明大僧
正之甥也年始六歲入乘延法橋之室於唐院內場

禮別當僧行圓雅深受戒業兼顯密脩驗三宗就中
精勤之聲在於脩驗而早播至得熊野三山檢校職
創聖護院請三所推現為脩驗道鎮護大紹隆師道
為白河堀河護持僧至大僧正管法務号一乘寺
大僧正延久元年十二月九日從錦織僧正行觀受
阿闍梨位灌頂時年三十八白河院永保元年十
二月二十七日敕授權少僧都為護持僧時四十
三翌年正月十四日敕法印大和尚位賞護持勞也

兼曆四年蒙 敕建明王院即置阿闍梨三口應德

三年十一月二十一日任權大僧都是亦賞護持也

堀河院寬治元年亦為護持僧四年白河太上皇

應德三 御脫屣 臨幸熊野山召譽為御先達於是補熊野三

山檢校職此職以譽為始自是為寺門永任職八年

七月十三日補四天王寺別當職永長元年十二月

二十九日任權僧正賜法務承德二年十一月十一

日任廣隆寺別當康和二年六月補長史治十三年

法皇於鳥羽殿行二十雙番論義時譽為證誠一座

四年五月十三日任僧正同日補法成寺執印十一

月二十三日日行大堂內論義靜耀 嚴算譽又為證義五年

正月十六日藤氏淡子誕生皇子淡子贈皇后大御

宗仁親王登 祚鳥羽天皇 日六日淡子頻逝 主上不勝悲歎馳

使召譽譽參候 敕曰至壽限者命也佛神尚不能

救之 朕望依公法救一遂應對譽奉 命不辭執

念珠對已嚴高聲念言吾疇昔立利他大誓入祖堂

脩兩界祕法。即每界會尊。誦滿神咒一洛。又自啟以
降。若脩辛勤。莫不爲也。今當君王御願。歸命三寶。
祈請救護。仰願界會。塵數聖衆。剛暴誓之功。今明示
驗言。辭未訖。藤氏忽。燕開。雙眸仰。龍顏恭告。息別
有氣。可半時。遂以兩目閉。脩驗。揭悉。慮聲震於官中。
長治二年閏二月。任天台座主。五月十九日。轉大同
日。補尊勝梵釋宗福寺等。都十三箇寺別當職。如此
寵賞之盛。今古未聞也。六月二十九日。聽輦車。譽以

申改牛車。宣主上御。虎加特賞也。時七十四。嘉義
二年。參仕最勝講證義。天仁二年十一月。召以論義。
八旬。暮景尚臨。論場。荐德云。高德云。實無比倫者歟。
永久四年二月十九日。歸寂。年八十有五。後人評曰。
明譽一雙。所謂白河堀河聖代。隆明增譽。曰事。
朝寵恩所臨。亦是明譽一雙。白河院即位。初擢明
爲護持僧。日日譽亦任。同職。其後賞護持。勞明叙法
印。同日譽亦叙。之後。復賞勞明任。權大僧都。同日譽

亦任之永曆年中明奉敕創羅惹院置阿闍梨三
口譽亦蒙敕建明王院置阿闍梨三口堀河院
登林初敕明爲護持僧同時譽亦任司職永德年
中以明補嗟峨別當同年譽亦補廣隆寺別當明譽
一雙希代之例者歟
法務前大僧正行尊平等院二十七世

行尊參議源基平子小一条院之孫錦織僧正從子
也年十二歲入寺事入道無品明行親王學滿三宗

特名於脩驗道練行大峯著城儉頤精進熊野三山
幽深前代雖多苦行者室虛冬籠自尊而始焉摠好
料撒巡禮觀音靈場三十三所日數百二十日其外
靈區聖跡聞則至禮又長倭歌道秀歌入敕集者都
四十餘首三并歌弘也遂備天台兩貫首管領法務
至大僧正号平等院大僧正永曆三年四月二日受
三部大法職位於賴豪阿闍梨時年二十五嘉永二
年五月二十三日叙法眼和尚位直叙也寺門直叙

法眼是為始焉今年十二月朔鳥羽院即位以尊
為護持僧天永二年八月二十七日任權大僧都賞
護持也承久元年正月十四日叙法印大和尚位同
四年正月補長吏治十時大僧都十一月二十三日
任權僧正起座主仁豪護持之賞也今茲補熊野三
山檢校職二元永元年五月二十九日任天王寺
別當職寺門此職者定基初補之其後濟算當此任
已來今至於尊十一代連綿寺門受之天皇深感

其功今度此職亦附平等院門室之由賜宸筆之
宣畢日而其後行尊讓行慶行慶讓道惠云云保安
四年十二月十八日任天台座主時僧正宗德院
登祚初復為護持僧天治二年五月加_大七月一日
蒙牛車宣皇子不豫加持之賞也九月十九日行
新羅祭禮祭儀從承義例_大治元年夏四月八日
鳥羽太上皇保安四第二官通仁誕生上皇國母
鍾愛特探_六月親王宣下爰親王數日為邪靈侵

醫述方絕祈請無驗已及危急上皇驚召尊尊及
去催使急於石火至入洞宮親王已薨尊駭走入蘭
陵窺視貴躰氣息不通遍身漸冷無由加持尊為謂
親王天也天降邪何得不復乎執念珠專勵丹心
投身叩頭祈聲雷震念珠中斷珠子四方飛散時
上皇手賜御念珠尊頂之復祈親王應時而蘇上下
喜嘆之聲動仙宮奇哉二年法皇白河上皇鳥羽
國母待賢門院御幸熊野及天王寺時尊在天王

寺別當職勸賞置阿闍梨三口于本寺平等院天承

元年最勝講證義者大僧正行尊秋七月三日始行

法華八講于法勝寺法印公伊時證義者唯尊一人今年為

上皇御願置阿闍梨三口于平等院長承二年三月

國母罹邪疾丹術外療失便迨日疾病天皇上皇

敕尊加持時尊奏言凡除病延齡謀者不如起火誓

植善曰也二聖問何意則可乎對曰去保安二年

吾寺回祿一寺微力未遂興復天皇降詔復伽藍

者未有善曰過之也。二聖聞之即時命一國宰吏
始園城寺造營。御願珍重僧正抽丹朽護念加持
從是病患日損遂愈翌三年園城寺成焉本尊丈六
彌勒如來長丈六僧正行尊造之臨土無著天親二
菩薩。太上皇御寄附也秋八月二十七日遂供養
畢今年賜衆僧一座。宣覺圓蒙任後尊一人四年二月四日
口唱密言一手結定印安詳入滅年八十有一尊京師
宿房植一株紅梅生平愛之今年開敷之節養病在

於本寺家從往京一枝折來進僧正僧正喜悅之餘
是置病牀此世爾天復毛途末志梅花千里千里奈

良年古登曾哀志詞花集第十其後數日而逝。上皇

於平等院行僧正追薦御導師興福寺法印大僧都

覺譽号法雲院法印行事縉紳數十人其儀叮重也高德明

師前代雖多之。太上天皇追薦難得者歟

補曰吾寺回祿者息羽院保安二年閏五月二日
依戒壇事山徒入寇此時堂社僧房悉回祿其後

一寺微力堂塔未復今度依僧正之奏降詔悉被

造營畢僧正感傷一寺燒也作歌佳馴志我古鄉

波此比屋淺茅賀原爾鷄奈具良年新古今第十七

入集大僧正行尊歌摠四十七首

金葉集十首詞花集二首千載集一首

新古今十首新敕撰一首續後撰二首

續拾遺一首新後撰二首玉葉集七首

續千載二首續後拾二首風雅集三首

新千載二首新拾遺一首新後拾一首

已上

法務前大僧正覺猷法輪院 息羽

二十八世

覺猷大綱言源隆國子宇治大僧正入室弟子也經

本寺別當至法務前大僧正世号息羽大僧正永保

元年十二月二十七日補四天王寺別當職時法橋

寛治四年五月七日從別當阿闍梨良朝入壇灌頂

于唐院受後以大法傳付行慶覺忠道勝等二十一

入其中依院宣長兼二年九月二十日於鳥羽證

金剛院授覺鏡和尚高野山正覺坊保延元年冬補

長吏治時僧正四年十月二十七日任天台座主兼

領證金剛院檢校及圓勝寺法勝寺法成寺梵釋寺

等別當職六年九月十五日寂年八十有七

僧正覺宗羅惹院二十九世

覺宗治部少輔藤家基子御室戸大僧正入室弟子

受業於鳥羽大僧正又追增譽行尊遺風精練大峯

葛城嘉祥二年十一月二十三日從定覺阿闍梨受

三部大法職位以後補金剛頂院傳法阿闍梨又補

北越白山檢校及法勝寺最勝寺尊勝寺法成寺宗

福寺等別當職保延元年賜熊野三山檢校職五年

補長吏治十年六月十四日依宗之奏

置阿闍梨三口于金堂崇德院御惱加持之

賞也近衛院康治元年補護持僧時權僧正久安

四年置阿闍梨三口于大吉祥院是亦依宗之奏也

今年十一月十九日金堂造立供養著座長史僧正
覺宗別當法眼良將大學頭法眼俊智法橋頭意已
講頭印學頭阿闍梨心豪供奉意嚴等也仁平二年
造畢武藏國此營也依去保延六年為山徒一寺燒
失也成切白河院永保以來山徒數入寇宗長史憂之
寺廓北邊掘火塹以備防護保延六年四月十日山
僧蜂起來為填塹寺徒出拒交鋒一日十箇度大
塹左右及死三百餘人殘徒以身道還有寇以來未

有若斯甚者也已而閏五月二十五日山徒不意來
行火堂社僧房等悉屬燒凶其後寺徒欲報之然而
彼倚高險堅護未遂而過年康祐元年三月二十七
日曉更圓滿院太輔松崎太輔為魁首率驍勇若輩
數百攀躋比叡大嶽放火燒却東西兩塔房舍四十
餘宇及丈六堂等訖仁平二年九月二十三日入寂
年七十有五
法務前大僧正行慶平等院櫻井
第三十世

行慶白河院子平等院大僧正入室弟子賜一身
阿闍梨宣護持於三朝至法務前大僧正号櫻井
大僧正長兼二年二月十六日受阿闍梨位灌頂於
鳥羽大僧正年三十以後補法勝寺崇福寺等別當
四年正月九日受父師之讓任天王寺別當職護職之始
近衛院仁平二年五月六日召為護時僧時權僧正
今茲補長吏治八年四月十八日四年秋九月二十六日
執行新羅祠祭禮儀式嚴重超于先規祭儀具久壽

二年七月後白河院受禪十月二十三日任護持
僧時大僧正保元三年八月十一日二条院受禪
復為護持僧平治元年建一字于金堂砌勸請熊野
三所以為脩驗道鎮護十一月十一日遷座供養
太上皇屈請大僧正受兩部大法諸尊儀軌法皇
也後自立稱号曰三井智證門人平等院流蓮華王
院阿闍梨行真御書籍等一切皆若斯銘焉御持佛
堂壇上懸大僧正影像朝暮御法施一日無廢退其

蒙天慈者至矣永萬元年七月十六日入寂年六

十有五

無品親王道惠

平等院櫻井

道惠息羽院子第六櫻井大僧正弟子也年始五歲

入寺七歲雜髮久安六年二月二十三日拜父師大

僧正受阿闍梨位灌頂保元三年正月十四日又受

父師之讓任四天王寺別當職永萬二年正月二十

一日再任永曆元年補長吏治仁安三年四月二十

五日薨年三十有七

補曰再任者高僧記第四曰以四天王寺別當職可

承附行尊大僧正門跡之由息羽院賜宸筆證狀畢

是及寺門十代相承故也仍即行尊讓行慶行慶

讓道惠二条院長寬二年依放寺詔改道惠法親

王以仁和寺覺性法親王為別當職經二年二条

院崩後白河院任息羽院宸筆之狀天王寺別當

職可為平等院師跡之由重有聖斷復改覺性法

親王如舊道惠法親王爲檢校職道惠讓圓惠法
親王圓惠薨後定惠法親王補之
...
寺門傳記補錄第十三長吏高僧略傳卷上

寺門傳記補錄第十四
長吏
卷下

寺門傳記補錄第十四 卷下
身支

寺門傳記補錄第十四 僧傳部成

長吏高僧略傳卷下目錄

覺忠 覺讚 房覺 公顯 實慶

定惠 靜惠 真圓 公胤 行意

覺仁 覺實 圓忠 覺朝 圓淨

靜忠 道慶 重圓 覺惠 公緣

道智 仁助 道仁 靜仁 圓助

隆辨 覺助 行昭 增忠 性覺

忠助 行覺 靜譽 淨雅 道瑜

順助 道珍 惠助 道昭 尊恪

增基 尊珍 顯辨 房朝 增覺

良慶 覺譽 長助 增仁 靜深

仁譽 良瑜 真圓 公濟 休善

實法以上共出十二人 公濟 實法

寺門外... 寺門外... 寺門外...

寺門外... 寺門外... 寺門外...

法務前大僧正覺忠 聖護院龍雲坊 青龍院長谷

三十二世

覺忠法性寺關白忠通之子權僧正增智弟子也蒙

一身阿闍梨宣至法務前大僧正保延三年二月

十月從鳥羽大僧正受三部大法職位時年二十一

六年在權少僧都保元三年十月後白河太上皇

臨幸于宇治時為檢校勸賞置阿闍梨三口于聖護

院二年四月十二日亦置三口于同院安鎮御脩法

之賞也應保元年五月置阿闍梨三口于龍雲坊此

尊星王御脩法之賞也二年閏二月任天台座主時
權僧正永萬元年六条院即位十二月十五日任
護持僧時大僧正法務仁安二年十月二十日辨法
務賜阿闍梨三口置于青龍院三年補長吏十嘉應
元年六月十七日太上皇祝髮聖筭四十有三街
戒師長吏前大僧正覺忠唄師法印公舜憲覺剗刀
法印尊覺權大僧都公顯上御戒師上法講行真
法皇始自今日五十晝夜有御送脩二年五月二十

七日辨諸寺檢校職賜阿闍梨三口置本寺常行堂
以其一口附常行堂衆畢兼安三年十一月十一日
法皇屈大僧正受一身阿闍梨職位大僧正奉授畢
上許可狀法皇仰曰我是智證門人也欲傳師跡
一室宜撰進房号仍即注進真言房龍雲房於二中
受用龍雲房是依御戒師舊室也四年八月十三日
賜衆僧一座宣聽牛車衆僧一座者不抱年膺常
居大僧正上首此宣下已前二箇度宇治大僧正

平等院大僧正是也。今已三箇度他門無此例。安元三年，敕賜法橋二人，以其一人永附於本寺學頭。應保元年正月巡禮三十三所觀音靈場，日數七十五日。治承元年十月十六日化于長谷，臨終正向西方念佛七百餘反。其後誦法華懺法，年結大日密印。安詳氣絕，年六十有一。現存脩不動護摩者三十年。行彌陀護摩十五年，讀誦法華六千部，書寫之者八十部。雕刻圖畫佛菩薩像，以萬計。為上根精業者。斯

者豈易得乎哉

法務前大僧正覺讚

金剛頂院南明院

三十三世

覺讚播摩，權守藤宗康子覺宗僧正入室。宗子大峯

葛城行者熊野齋居二千日。蒙神應對南明院開祖

管法務。至大僧正仁平二年補熊野三山檢校職。第四

保元三年十一月二十九日從延猷阿闍梨受三部

大法職位。永曆元年後白河上皇臨幸熊野三所

召讚為御先達。時法印權大僧都即依法印之奏置

阿闍梨五口干三山其後法印奉御先達者都二十
箇度今年上皇創三所權現社干路東名新熊野
是亦救法印為檢校職已後三山檢校兼任當社檢校又依法印
之奏永置阿闍梨五口干當社長寬二年任權僧正
高倉院仁安四年擢護持僧轉僧正承安四年八月
八日加大賜法務令茲上皇幸于熊野大僧正復
奉御先達今度依別宣召具細所著淨衣赤袈裟安元二
年建南明院即為法皇嘉應元年御出家御願寺五月二十

六日置阿闍梨五口治承元年補長吏治承元年聽牛車同
四年九月七月歸寂年八十有六

法務前大僧正房覺花林房三十四世

房覺少將陸奧前司源信雅子右大臣顯房孫俊智

大僧都弟子也精練大峯葛城辛勤熊野三山護持特

於二朝賜大僧正法務補大勝寺別當職大勝寺者法勝尊勝

最勝圓勝成勝延勝統補六勝寺是為始焉後白河太上皇

御幸于南山時召御先達仁平三年六月勸勵北院

僧侶於新羅社限一七箇日興行供花會供養導師
觀智阿闍梨也是即當社安居澄觴也其講式嚴密
不絕于今矣保元元年任權律師長寬元年補權少
僧都追授大僧都仁安三年高倉院即位權護持
僧時法印四年三月二十九日從仁信阿闍梨入壇
灌頂于聖願寺以後補總持院傳法阿闍梨兼安四
年八月八日任權僧正治承元年轉僧正四年補充
長吏治五月十五日三条官度御寺門貫首僧正與

徒衆謀構御座于平等院是依平家追討事也事見雜記

今年安德天皇即位復為護持僧養和二年正月

辭長吏職是依公顯任僧正也壽永二年十二月重

補長吏治轉大元曆元年六月二十七日寂年八十

有三治法務前大僧正公顯本覺院三十五世

公顯安藝權守顯康王之子權僧正增智入室公觀

法橋弟子也顯密兩業宗匠為世所重備兩門貫首

至法務前大僧正保元元年十一月二十七日受三
部大法職位於勝運阿闍梨時已講年四十七受後
以法傳付於公胤覺朝行舜等二十一人壽永元年
補長吏治文治三年八月二十四日後白河法皇
延屈公顯僧正于四天王寺受五瓶灌頂聖壽六十
一師年七十八初法皇將入御三井傳大法山門
聞之詆言我山者王城之鎮護累代敬願之道場也
而今弃此入彼欲傳大法實是祖師取辱一山瑕瑾

末第等所焦胸也仰願任寬平法皇先蹤可被遂
御願于我山也若無允許者燒却三井法皇為詔
我今脫俗入真受大法者將以此功德護持國家耳
而還以此災害一寺甚違本意不知唯待時至即以
止焉然而法皇先誓偏在智證大師法流而今幸
定惠親王管四天寺別當職平等院主法皇御子目茲請公顯
僧正于當寺寫造本寺唐院建五智光院以為灌頂
道場汲金堂水以為五瓶闕如傳彌勒常燈而為壇

上燃燈時便曜宿受五瓶法水果九大師以來師於
君王傳大法者都三人初大師以灌頂大法奉授
貞觀皇帝次靜觀僧正授寬平法皇今公顯僧正
傳法皇可謂寺門光華一身大幸也今年補五勝
寺六勝寺中除圓勝寺別當及蓮花王院別當六年三月四日
任天台座主蒙牛車宣建久四年九月十七日入
滅年八十有四
補曰東鑑第六曰文治二年三月二十一日下法皇

御灌頂用途事可沙汰之由自京都被仰下訖仍
今日為俊兼奉行所被充御領也八木干石駿河
兩國白布干端國絹百疋散在御領分同第五曰天治
元年十月廿日御堂供養導師本覺院僧正公顯
下著相具廿口龍象參河守範賴相伴恭著升一
日南御堂奉渡本佛御堂号勝長壽院本佛金色
大夫屬入道大和守主計允等奉行之同升四月
天齋風靜今日御堂被遂供養已尅二品御出東

步儀行列先後隨兵

先十四人 後卅二人

富山千葉三浦武

田等也次導師公顯僧正率伴僧廿口奉堂演說

供養之儀事訖被引布施導師分

錦被物五十重綾被物五百重綾二百端

長綯二百疋深綯二百端藍摺二百端

緋二百端砂金二百兩銀二百兩

法服一具副錦上童裝束十具馬三十疋

此以十疋置鞍御家人等引之

次加布施分金作釵一腰裝束念珠

付銀 打枝

五衣イワ、キス一領重松八木五百石被送遣旅店

次請僧分口別色布被物三十重綯五十疋

深綯五十端白布百端馬三疋一疋置鞍每事

莫不盡美思作善大功已千歲一遇也

同日建久三年十一月廿五日永福寺供養有

曼陀羅供導師法務大僧正公顯前因幡守廣元

為行事導師請僧施物等同勝長壽院供養之儀

十一月二日日本覺院宰相僧正公顯歸洛已應兩
度之屈請可謂多生之芳契也

法務前大僧正實慶

桂園院

三十六世

實慶佐渡守源朝基子大僧正覺讚弟子也經本寺
別當任六勝寺及蓮花王院等別當職倣父師大僧
正好道精勤大峯葛城熊野三山以驗德為世稱焉
三備貫首至法務前大僧正嘉應元年九月十八日
從公奔法印受職灌頂于唐院時法橋以後補兩寺

灌頂大阿闍梨

兩寺灌頂等者最勝寺尊勝寺結緣
灌頂大少阿闍梨也寺山隔年勤之

及任大吉祥院等傳法阿闍梨養和元年神充熊野

三山檢校職

第五兼任新熊野檢校元曆元年七月

後鳥羽院即位權護持僧時法印權大僧都文治元

年補長吏

治五年建久七年補天王寺別當職九年八

月太上皇

今年正月
御脫履

初御幸熊野三所檢校僧正

叅御先達時年八十四土御門院登昨正治元年

正月任護持僧元久元年再補長吏治一大僧正法務

建永二年重補長吏治永元三年十一月二十六日

乘化年九十有一永元元年

無品定惠親王初法輪院後平等院三十七世

親王後白河院御子道惠親王弟子也仁安元年

薙髮受戒永安二年十二月受大衆會講師請四年

正月二十一日任權僧正治永二年十月七日授拜

大僧正真圓受職灌頂于大寶院時年二十五即賜

一身所關梨宣補兩寺灌頂大阿闍梨壽永二年

二月十九日補四天王寺別當職初行尊大僧正當

職之時四天王寺別當職永附平等院師跡之旨

鳥羽院賜宸筆之宣畢依之行尊讓行慶慶讓道惠

惠讓圓惠其後為平家沙汰治永四年夏中任明雲

僧正於此職於是平等院讓職系絲中絕數年寺門

憂之然今平氏止明雲卒定惠親王曰而申請任之

今度後白河院任鳥羽院制定再賜四天王寺

別當職平等院師跡永任宣畢元曆元年叙無品

建永二年重補長史治永元三年十一月二十六日

乘化年九十有一一

無品定惠親王初法輪院 後平等院 三十七世

親王後白河院御子道惠親王弟子也仁安元年

薙髮受戒永安二年十二月受大衆會講師請四年

正月二十一日任權僧正治永二年十月七日授拜

大僧正真圓受職灌頂于大寶院時年二十五即賜

一身阿闍梨宣補兩寺灌頂大阿闍梨壽永二年

二月十九日補四天王寺別當職初行尊大僧正當

職之時四天王寺別當職永附平等院師跡之旨

鳥羽院賜宸筆之宣畢依之行尊讓行慶慶讓道惠

惠讓圓惠其後為平家沙汰治永四年夏中任明雲

僧正於此職於是平等院讓職系絲中絶數年寺門

憂之然今平氏也明雲卒定惠親王曰而申請任之

今度後白河院任鳥羽院制定再賜四天王寺

別當職平等院師跡永任宣畢元曆元年叙無品

親王建久元年補長吏治七年夏四月十八日薨年

四十有一鳥羽後白河二代院宣並定惠奏歌等載雜記

無品靜惠親王聖護院三十八也

靜惠後白河院御子前大僧正覺忠入室弟子也

元曆元年十二月十八日從大僧正真圓受阿闍梨

位灌頂時年二十一以後補充兩寺灌頂大阿闍梨

建久二年二月十七日叙無品親王七年補長吏治

建仁三年十月三日薨年四十一

前大僧正真圓大寶院真如院三十九也

真圓太后宮亮實明子大納言俊明之孫良脩法眼

入室弟子也經本寺別當至前大僧正康治二年九

月二十日拜親師法眼受大法灌頂以後大法授於

五十九人其中付定惠靜惠尊惠三親王又為傳法

大阿闍梨者都十二人定惠靜惠禪覺慈壽慶範圓

忠公仙圓雅道禪重圓顯尊最珍等也嘉應元年補

蓮臺院傳法阿闍梨建久四年將軍家屈請大僧正

為永福寺藥師堂供養慶導師正治二年補長吏四治
元久元年五月一日寂年八十有八也
補曰東鑑三十一曰建久四年十一月八日前權僧正
真圓亮自京都奉著是永福寺傍建梵宇被安置
藥師如來像之間為供養導師依被招請也同二
十七日永福寺藥師堂供養將軍家度御寺於
真南門外整行列午尅導師前權僧正真圓相率伴
僧奉堂事訖被引布施導師分三十

錦被物二十重綾被物百重砂金五十兩
帖絹二百疋紫絹五十端白布二百端
藍摺三百端綿五百兩色草百枚
鞍馬十疋次加布施分
五衣一領水精念珠金作釵一腰
請僧分別錦被物五重綾被物三十重
帖絹五十疋漆絹五十端紫絹二十端
白布百端藍摺百端綿三百兩

為色草三十枚鞍馬三疋

還御之後卷縮百珠縮百宿衣一領八木百石

送文於近江國等被遣僧正之旅館比企藤内

朝宗為御使并八日僧正歸洛在

法務前僧正公胤明王院第四十世

公胤大綱言源雅俊之孫別當阿闍梨賢覺入室也

學兼顯密兩宗具經本寺階業遂管法務早至僧正

承安四年十一月二十三日於聖願寺受三部大法

職位於前大僧正公顯受後以法授公緣良尊覺舜

等二十三人建仁二年於新羅社始行法華三十講

時兩證誠法印大僧都公胤權大僧都行舜也三年

補本寺及法勝寺別當職元文二年補長吏治干時

權僧正承元三年再補治同年十月十三日將軍從

三位源實朝並平氏臣公薦故右大將家月忌延屈

權僧正公胤為導師遂叮重供養畢四年權僧正長

講堂供養導師將軍家遣使送與上童等裝束同年

十月十八日執行新羅社祭禮祭儀嚴麗逾于前代
有 頃德院建曆元年四月二十三日 上皇 後鳥羽

願請諸宗緇徒一萬三千二百十五人于四天王寺

願寫一大藏經御導師興福寺別當前大僧正雅緣

号二条 僧正 兪願園城寺長吏前權僧正公胤也延曆寺

奏言今般被除天台座主之余衆徒等失用目訖請

宣改公胤召座主兼圓 敕報云今特精撰當時智

德不依座主職兼圓年前匪闡智行亦淺不能導師

不能兪願 或記云是為 二年四月二十六日法勝寺

九層塔婆造立供養是亦 敕權僧正為兪願今年

賜法務十月二十九日本寺五所拜賀 金堂新羅三尾唐院新宮

於新羅社者奉幣畢引神馬五所拜賀 又勤 十月

會探題豎者刑部阿闍梨覺義 金光院元祖 探題表

白辭曰於貫首之琳勤探題之役者其初圓滿院前

大僧正者八宗摠博士九旬之齡闡其後跡絕一百

餘年先師本覺院前大僧正者 花山法皇四代之

孫後白河院御入壇之師續長史之牀判十題之
得略道之光華不殊昔日爰以不肖之身汗兩代之
跡上恐三寶之照見下恥一門之誹謗云云建保二
年四月十六日山徒入寇寺門燒也堂塔僧房僧正
歡之訴將軍家五月上旬有沙汰以駿河前司惟義
豐前守尚友為總奉行造營一寺畢四年六月二十
日入寂年七十有二

僧正行意 圓滿院 四十一世

行意松殿入道閑白基房子覺尊僧正入室弟子也
深役氏道名於驗德大峯練行八度那智齋居十日
又放行尊僧正脩笙窟冬籠建久八年十二月九日
於唐院受三部大法職位於前大僧正真圓時年二
十五土御門院元久三年四月十三日揚護持僧
時權僧正建保四年補長夫治五年十一月二十九
日寂年四十有一

覺仁法親王 法輪院 四十二世

覺仁後身院御子号櫻井法親王建保五年十二月六日於金堂受阿闍梨位灌頂於前僧正覺朝時年二十六補長吏治寶治二年任熊野三山並新熊野檢校職文永三年四月十二日薨年五十有九法務前僧正覺實挂園院四十三世

覺實三條入道左大臣實房子大僧正覺忠入室也建久六年二月二十六日受阿闍梨位灌頂於大僧正實慶正治元年受大僧正覺讚之讓補熊野三山

並新熊野檢校職兼久三年補長吏治寬喜四年三月二十一日化年六十有九終法務前僧正

前大僧正圓忠聖護院四十四世
寶相院

圓忠普賢寺入道攝政子無品靜惠法親王入室也

建久八年三月二十三日從前大僧正真圓受職灌

頂于唐院時年十九以後補充兩寺灌頂大阿闍梨

土御門院元久三年任護持僧時法印權大僧都嘉

祿二年補長吏治文曆元年十一月八日化年五十

有五終前大僧正

前僧正覺朝 青龍院

四十五世

覺朝安藝守源仲經子前大僧正公顯入室也至前

僧正治承二年十一月十日拜親師大僧正灌頂于

本覺院時年三十受後以法授於靜忠忠奔賴兼仙

朝等三十八人其中傳於覺仁尊圓二親王 敕充

兩寺灌頂大阿闍梨建久元年補蓮臺院傳法阿闍

梨安貞元年任長吏 治寬喜三年十月一日歸寂卒

七十有二

法務前大僧正良尊

常住院 大吉祥院

四十六世

良尊後京極攝政良經子護持於三朝至法務前大

僧正後聽牛車蒙衆僧一座 宣承元三年十二月

七日於唐院受三部大法職位於前僧正公胤時年

二十一建保年中補宇治平等院執印 後堀河院

寬喜元年三月二十四日擢護持僧于時僧正二年

補長吏 治貞永元年十月 四條院受禪任護持僧

時前大僧正嘉禎四年補熊野三山檢校職仁治三年三月後嵯峨院即位補護持僧寬元四年三月十二月乘化年五十有八圓滿院法務前大僧正圓淨圓滿院四十七世

圓淨普賢寺入道攝政子法圓僧正入室也護持於三朝至前大僧正聽牛車建永元年十一月十三日從禪覺法印入壇受職于龍華院時年十八以後大法傳付四十人就中授於仁助圓助二親王且出於

執柄家為傳法阿闍梨者是初也即補充兩寺灌頂大阿闍梨後堀河院安貞二年十一月任護持僧時權僧正貞永元年補長吏治四條院嘉禎二年十月七日為護持僧年四十八仁治三年春正月後嵯峨院即位亦補護持僧時前大僧正寬元五年正月補平等院執印建長八年四月十九日入滅年六十有八聖護院前大僧正靜忠實相院

靜忠普賢寺前攝政子前大僧正圓忠之入室也蒙
一身阿闍梨宣至前大僧正呼号西院承元二年
十一月十六日受三部大法職位於前僧正覺朝時
年十九受後以法付二十大德其中授於覺惠道仁
二親王即補兩寺灌頂大阿闍梨嘉禎元年補長吏
二治後嗟職院寬元三年三月十日擢護持僧十四
日初參聽牛車時前大僧正建長八年四月任平等
院執印弘長三年十月二日寂年七十有四卒年與

前大僧正道慶 月輪院御室戶

四十九也

道慶後京極攝政子大峯葛城行者賜一身阿闍梨
宣至前大僧正寬喜元年十二月三日從猷圓法印
受職灌頂于唐院時年二十五 四糸院嘉禎二年
任護持僧時權僧正年三十二三年補長吏二治寬元
四年補熊野三山檢校職弘長三年任平等院執印
弘安八年六月二十八日逝年八十有一 後大僧
前僧正重圓 脩多羅院 第五十世

重圓 小一条院真孫齋宮寮源忠重子也經本寺
別當至前僧正正治元年十一月六日投拜前大僧
正真圓受三部大法職位時年三十八即補大寶院
初阿闍梨補充兩寺灌頂大阿闍梨延應元年任長
吏治建長元年六月二十二日取滅臨終少病少腦
令侍者誦古慶百字讚聽受隨喜手作灌頂之密印
吉祥而逝年八十有八條院
覺惠親王 聖護院真如院 五十一世

覺惠 順德院御子前大僧正靜忠之弟子也嘉禎
二年四月十八日投拜父師大僧正受阿闍梨位灌
頂時年二十賜一身阿闍梨 宣元兩寺灌頂大阿
闍梨仁治元年補充長吏治
前權僧正公緣 實藏院 五十二世
公緣 大藏卿藤有家子前僧正公胤入室前大僧正
公顯分子也任本寺別當至前權僧正元久元年四
月二十九日禮前權僧正入壇受職于唐院年三十

一受後以法傳付靜仁親王清尊行昭等一十九人

仁治二年十一月補長吏治九箇月弘長元年十月二十

九日入寂年八十有八

僧正道智禪林寺

五十三也

道智 光明峯寺攝政之子權僧正道譽之弟子也

文曆二年四月一日從親師權僧正受三部大法職

位時年十九仁治二年十一月補長吏治後嵯峨

院寬元元年四月二十一日擢護持僧時年二十七

文永六年三月三日歸寂年五十有三

無品仁助親主

圓滿院

五十四也

仁助 土御門院御子前大僧正圓淨之弟子也賜

一身阿闍梨宣聽牛車仁治二年十二月二十二

日拜父師大僧正受職灌頂于唐院年二十八受後

十六年行傳法灌頂法親王傳法阿闍梨寺門是初

例也又補充兩寺灌頂大阿闍梨三年補長吏治九今

度拜堂行番論義建長元年九月六日任四天王寺

別當職弘長二年八月十一日薨年四十有九

道仁法親王 法住寺 桂園院 五十五世

親王土御門院御子号大原野宮仁治二年九月

二十七日禮前大僧正靜忠受阿闍梨位灌頂時年

三十三任一身阿闍梨充兩寺灌頂大阿闍梨建長

三年補長吏 治弘長三年正月十四日薨年五十四

靜仁法親王 雙林寺 五辻 五十六世

親王土御門院御子寶治元年三月二十日授持

前權僧正公緣受三部灌頂職位時年三十一建長

六年補長吏 治文永三年任熊野三山並新熊野檢

校職聽牛車永仁四年四月十日薨年八十有一

二品圓助親王 圓滿院 禪林寺 五十七世

親王後嵯峨院御子無品仁助親王御子也護持

於朝廷聽牛車建長四年十二月十四日從前大僧

正圓淨入壇受職于唐院時年十七補充兩寺灌頂

大阿闍梨正嘉元年補長吏 治弘長二年九月十八

日任四天王寺別當職文永十一年三月二日叙二

品弘安五年八月十二日薨年四十有七

法務前大僧正隆辨寶昭院五十八也

隆辨冷泉大納言隆房之子也經本寺別當至法務

前大僧正嘉禎四年五月三日從圓意法印受阿闍

梨位灌頂年三十一臘十九寬元元年六月二十日

叙法印皇子降誕加持之賞也寶治元年六月二十

七日將軍源賴嗣朝臣入道賴經子請法印補鶴置

若官別當寺門預此職自是而始焉建長三年將軍

家脩寺門堂社僧房等是依別當法印之許也四年

十月二十三日任權僧正將軍宗尊親王後嵯峨院

為源將軍第一御子不例加持之賞也六年六月權僧正建立如意

寺鎮守諸社數字將軍扶之文永二年十月八日加

大四年補長吏治五年建立任吉四所明神于北院

四所各殿建治二年重補長吏弘安六年八月十五日入

減年七十有六

二品覺助親王 聖護院
解脱寺

五十九世

親王。後暖城院御子前大僧正靜忠之弟子也。賜
一身阿闍梨。宣任護持僧聽牛車文。永三年二月
九日從別當大僧正仙朝入壇灌頂于解脱寺。時年
十七。臘五受後以法授於增基增覺等二十七人。其
中傳付惠助尊珍二親王。以後補充兩寺灌頂大阿
闍梨。五年補長吏。治建武初年重補正。安二年五月
二十五日叙無品。追授二品。嘉元元年任四天王寺

別當職。其外擬補熊野三山並新熊野檢校及蓮花
王院長講堂。淨金剛院鶴足若宮等別當職。建武三
年九月十七日薨。年八十有七。

前大僧正行昭 常住院 第六十世

行昭光明峯寺攝政子也。為護持僧。至前大僧正蒙
牛車。宣仁治二年十二月二十九日任權大僧都。
也。直任寬元補平等院執印。文永二年再補。同十一年
重任。都三箇度。建長七年十二月十九日授拜別當

權僧正公緣受三部大法職位時年二十五弘安中
補長吏永任四年四月二十日任熊野三山並新熊
野檢校乾元二年正月五日歸寂年七十有五
法務前大僧正增忠 實相院 六十一世
增忠猪熊前關白之子前大僧正靜忠入室弟子也
賜法務補護持授牛車 宣建長二年十二月二十
三日禮親師大僧正受阿闍梨位大法于時年十七
文永五年十二月任平等院執印弘安八年十二月

七日補長吏治十年九月始行傳法灌頂八月二十

二十五日八講九月十二日四日拜堂
灌頂十三日八講延年云云 正應二年再任平等院

執印六年還補永仁四年重補在任都四箇度六年

正月二十四日乘化年六十有五

性覺法親王 拍 六十二世

親王龜山院御子号狗法親王弘安七年六月二

十八日從別當法印幸金受職灌頂于光眼寺時

年十八十年十二月二十三日補長吏治正應四年

再任五年重補在職都三箇度永仁五年九月二十

六日薨年三十有一

無品忠助親王

聖護院

親王正應二年六月補長吏

治年等未詳也

補曰今失傳仍事跡未詳後賢考之正之

無品行覺親王

圓滿院

親王後深草院御子也正應二年八月補長吏

治

四年從權僧正信愉受阿闍梨位灌頂于時降十八

永仁六年薨年二十有五

前大僧正靜譽

實相院

六十五也

靜譽照念院前關白之子前大僧正增忠之弟子也

号白河僧正文永七年十二月十六日拜別當大僧

正仙朝受三部大法職位于解脫寺時年二十二充

兩寺灌頂大阿闍梨正應四年九月八日準補長吏

永仁四年七月五日入滅年四十有九

法務前大僧正淨雅

實藏院

六十六也

淨雅苑山院右大臣定雅子也。經本寺別當任長吏。至法務前大僧正建治二年二月二十五日於唐院拜圓助法親王受阿闍梨位灌頂時年二十一受後以法傳於恒助法親王及定愉房仙等十八人。敕補護持僧聽牛車補充兩寺灌頂大阿闍梨。天保三年四月七日寂年六十有一。入山。前大僧正道瑜 寶昭院 六十七世。道瑜福光園院前關白之子也。擬任長吏補護持僧。至

前大僧正弘安八年三月二十一日於御室戶山寺受三部大法職位於前大僧正道慶年三十臘十後補熊野三山並新熊野檢校任鶴正若宮別當延慶二年七月二月化年五十有四。無品順助親王 聖護院 六十八世。親王 龜山院御子二品覺助親王之弟子也。永仁六年十月二十八日般拜親師法親王受職灌頂于解脫寺年二十臘二追補長吏元亨二年十月十四

日薨年四十有四

南擺院

前大僧正道珍

六十九也

道珍圓光院關白之子前大僧正靜珍入室弟子也

補充護持至前大僧正永仁六年三月十三日投禮

父師大僧正入壇受職干解脫寺時年二十五延慶

二年八月十二日寂年四十

無品惠助親王 聖護院 大僧正 第七十世

親王伏見院御子正和初年補充長吏任熊野三山並

新熊野檢校職德治三年二月十六日拜二品覺助

親王受職灌頂干解脫寺年二十臘二賜一身阿闍

梨宣嘉曆三年九月九日薨年四十七

准三宮前大僧正道昭 常住院 七十一世

道昭後光明峯寺攝政之子前大僧正行昭入室也

相繼惠助法親王補充長吏擢護持僧賜牛車宣至

准三宮前大僧正正安元年十二月十八日從別當

大僧正長乘受三部大法職位時年十九臘五建武

三年二月八日任准三宮寺門此任是初創也曆應
四年四月十四日補四天王寺別當職任熊野三山
並新熊野檢校職文和四年再任今年十二月二十
二月取滅年七十有五
入道二品尊恪親王 圓滿院
親王 伏見院御子無品恒助親王命子也賜一身
阿闍梨 宣任護持僧号後平等院元應二年從別
當大僧正觀 equal 受大法藏位干靜法院年十八臘三

元應補亮長吏元亨四年還任建武三年重任在職
都三箇度曆應二年六月十五日叙二品延文四年
七月二十九日薨年五十有八

補日官班託上曰入道親王尊恪 伏見院御子
三井圓滿院恒助親王命子延慶三年六月二十
八日為親王十歲俗名吉永正和二年三月二十

八日出家十三
前大僧正增基 實相院
七十三世

增基圓光院前闍梨之子爲一身阿闍梨充護持僧
号後實相院正安元年十一月二十七日禮二品親
王覺助受阿闍梨位獲頂于解脫寺時年十八受後
以大法授於增仁乘基等二十九人元亨四年正月
補長吏同年六月五日辭職觀應三年七月二十
日乘化年七十有一
准三宮無品尊珍親王聖護院七十四世
親王龜山院御子二品覺助親王之弟子也嘉曆

元年五月二十八日拜父師親王受職灌頂于解脫
寺年二十臘二即授一身阿闍梨宣今茲補長吏
元德初年重補三年正月賜准三宮

補曰官班記上曰准三宮尊珍親王後醍醐院
御子三井聖護院覺助親王弟子嘉曆三年正月
晦日宣下元無品親王道昭後光明峯寺攝政息
三井常在院行昭僧正弟子建武三年二月八日
宣下元前大僧正私曰今傳言龜山院御子者

恐是謄寫年代相違官班似是

前大僧正顯辨

月輪院

元德二年七月二十五世

顯辨越後入道顯時之子經本寺別當至前大僧正

又受將軍家之請補鎌倉法華堂別當永仁元年十

二月二十三日受三部大法職位於前大僧正靜譽

年二十五臘十四嘉曆二年補長吏元德三年四月

十二日入寂年六十有三

前大僧正房朝

開如院

元德二年七月二十六世

房朝安藝守平清時之子至前大僧正正應四年五

月二十八日於解脫寺禮前大僧正靜珍入壇灌頂

元德二年補長吏

治

前大僧正增覺

大雲寺

元德二年七月十七世

增覺從一位兼教之子淨妙寺關白猶子也賜一身

阿闍梨宣至前大僧正正安元年十一月三十日

授禮二品覺助親王受三部大法職位年十八臘四

于時法印補兩行灌頂大阿闍梨元德補長吏康永

二年九月二日寂年六十有二

前大僧正良慶 常任院

良慶後光明峯寺攝政之子補護持僧至前大僧正

元應二年十二月十九日從前僧正寬教受阿闍梨

位灌頂於金龜院時年三十元德三年補長吏文和

四年十二月任熊野三山並新熊野檢校職

二品覺譽親王 聖護院

親王花園院御子蒙一身阿闍梨土宣補護持僧

聽牛車曆應四年十一月十五日從前大僧正清顯

受職灌頂于解脫寺年二十二臘十一受後以大法

授於仁譽親王及範伊覺增等十二人土年正月補

長吏 治文和四年再任 治貞治重任在職都三箇度

又補四天王寺別當職永德二年五月二十八日薨

年六十有三

無品長助親王 圓滿院 法禪院

親王後伏見院御子二品尊悟親王入室弟子也

潛應五年三月六日拜父師親王受阿闍梨位大法
于靜法院年二十五臘十一賜一身阿闍梨宣康永
三年三月八日補長吏寬應元年還補延文五年重
任在職都三箇度六年二月八日薨年五十有八
法務前大僧正增仁 實相院南龍院 八十一世
增仁圓光院前關白之子前大僧正增基入室弟子
也一身阿闍梨護持僧至法務前大僧正号後寶照
院元亨四年二月十九日拜親師大僧正入壇灌頂

于解脫寺年二十三臘十一康永四年補長吏貞和
四年還補應安元年六月十一日化年六十有七
權僧正靜深 實相院 八十二世

靜深近衛左大臣經平之子康永元年十二月二十
四日於法華山寺受三部大法職位於大僧正增基
年二十四臘四賜一身阿闍梨宣貞和二年九月
二十三日補長吏 實相院 八十三世
仁譽法親王 聖護院

親王中務卿恒月親王之子延文五年十一月十二

日拜覺譽法親王受職灌頂于解脫寺年二十臘五

授一身阿闍梨宣康元年補長吏



法務前大僧正良瑜常住院實相院如意寺

八十四世

良瑜光明照院關白之子賜准三宮大僧正法務任

護持僧聽牛車特蒙衆僧一座宣号法輪院准后

貞和五年十一月五日於如意寺授拜大僧正增仁

受阿闍梨位灌頂年十九臘三受後以法授於道基

辨譽等二十三人賜一身阿闍梨宣貞治二年三

月六日補長吏其外任熊野三山並新熊野檢校及

補平等院執印等應永四年八月二十一日入滅年

六十有八

寺門傳記補叙第十四長吏高僧略傳卷下

表所書... 卷之十二
... 卷之十二
... 卷之十二
... 卷之十二
... 卷之十二
... 卷之十二
... 卷之十二
... 卷之十二
... 卷之十二
... 卷之十二



紙教

教

80

